

ТРОПАРИ, КОНДАКИ И ВЕЛИЧАНИЯ

на праздники Господни, Богородичны, святых великих

*в порядке церковного года, который
начинается с 1/14 сентября
(даты указаны по старому и новому стилям)*

1/14 сентября

Новолетие

Тропарь, глас 2-й

Всея́ твѣри Содѣтелю, временá и лѣта во Своѣй влáсти
положѣвый, благословѣ венѣц лѣта блáгости Твоея́, Гóсподи,
сохраняя в мѣре лю́ди и град Твой, моли́твами Богорóдицы, и спаси́
ны.

Кондак, глас 2-й

В вы́шних живы́й, Христé Царю́, всех вѣдимых и невѣдимых
Творче и Зиждителю, Иже дни и нощи, временá и лѣта сотвори́вый,
благословѣ ны́не венѣц лѣта: соблюди́ и сохрани́ в мѣре град и
лю́ди Твоя́, Многомѣлостиве.

8/21 сентября

Рождество Пресвятой Богородицы

Тропарь, глас 4-й

Рождество́ Твое́, Богорóдице Дѣво, рáдость возвести́ всей
вселénней: из Тебѣ бо возсия́ со́лнце правды, Христóс Бог наш, и
разруши́в кля́тву, даде́ благословѣ́ние, и упраздни́в смерть, дарова́
нам живо́т вѣчный.

Кондак, глас 4-й

Иоакѣм и Анна поношѣ́ния безча́дства, и Ада́м и Ева от тли
смѣртныя свободѣ́стася, Пречѣ́стая, во святе́м рождестве́ Твое́м. То
пра́зднуют и лю́дие Твой, вины́ прегрѣшѣ́ний изба́вьшеся, внегда́
звати́ Ти: непло́ды ражда́ет Богорóдицу и пита́тельную жи́зни
на́шея.

Величание

Велича́ем Тя, Пресвята́я Дѣво, и чтим святы́х Твои́х роди́телей, и
всесла́вное сла́вим рождество́ Твое́.

Задостойник, глас 8-й

Чужде матерем дѣвство, и странно Дѣвам деторождѣние; на Тебѣ, Богородице, обоѣ устроишася. Тем Тя вся племена земная непрестанно величаем.

14/27 сентября

**Воздвижение Честного
и Животворящего Креста**

Тропарь, глас 1-й

Спаси, Господи, люди Твоя, и благослови достояние Твое, победы на сопротивныя даруя, и Твое сохраняя Крестом Твоим жительство.

Кондак, глас 4-й

Вознесыйся на Крест волею, тезоименитому Твоему новому жительству щедроты Твоя даруй, Христѣ Божѣ, возвесели нас силою Твоею, победы дай нам на супостаты, посobie имущим Твое, оружие мира, непобедимую победу.

Величание

Величаем Тя, Живодавче Христѣ, и чтим Крест Твой святыи, имже нас спасл еси от работы вражия.

Задостойник, глас 8-й

Таин еси, Богородице, рай, невозделанно возрастившии Христа, Имже Крестное животноное на земли насадиися древо. Тем ныне возносиму, покланяющеся ему, Тя величаем.

25 сентября/8 октября

Преподобного Сергия Радонежского

Тропарь, глас 4-й

Иже добродетелей подвижник, яко истинный воин Христа Бога, на страсти вельми подвижался еси в жизни временней, в пении, бдениих же и пощении образ быв твоим учеником. Темже и вселися в тя Пресвятыи Дух, Егже действием светло украшен еси; но яко имея дерзновение ко Святей Троице, поминай стадо, еже собрал еси мудре, и не забуди, якоже обещался еси, посещая чад твоих, Сергие, Преподобне отче наш.

Кондак, глас 8-й

Христовою любовью уязвився, Преподобне, и Тому невозвратным желанием последовав, всякое наслаждение плотское возненавидел еси, и яко солнце Отечеству твоему возсиял еси, тем и Христос даром чудес обогати тя. Поминай нас чтущих пресветлую память твою, да зовем ти: радуйся, Сергие богомудре.

Величание

Ублажа́ем тя, преподо́бне о́тче Сѣ́ргие, и чтим святу́ю па́мь твою́, наста́вниче мона́хов и собесѣ́дниче Ангелов.

26 сентября/9 октября

**Преставление святого апостола
и евангелиста Иоанна Богослова**

Тропарь, глас 2-й

Апо́столе, Христу́ Бо́гу возлю́бленне, ускори́ изба́вити лю́ди безотвѣ́тны, приѣ́млет тя припа́дающа Иже па́дша на пе́рси приѣ́мый, Егóже моли́, Богослóве, и належа́щую мглу язы́ков разгна́ти, прося́ нам ми́ра и ве́лия ми́лости.

Кондак, глас 2-й

Вели́чия тво́я, дѣ́вственниче, кто пове́сть? То́чиши бо чудеса́, и излива́еши исцелѣ́ния, и мо́лишися о душа́х на́ших, я́ко Богослóв и друг Христо́в.

Величание

Велича́ем тя, апо́столе Христо́в и евангели́сте Иоáнне Богослóве, и чтим болѣ́зни и труды́ тво́я, и́миже трудѣ́лся еси́ во благовѣ́стии Христо́ве.

1/14 октября

Покров Пресвятой Богородицы

Тропарь, глас 4-й

Днесь благовѣ́рнии лю́дие свѣ́тло прáзднуем, осеня́еми Твои́м, Богома́ти, пришѣ́ствием, и к Тво́ему взира́юще пречи́стому о́бразу, уми́льно глаго́лем: покрый́ нас честны́м Твои́м покрóвом, и изба́ви нас от вся́каго зла, моля́щи Сы́на Твоегó Христа́ Бо́га на́шего, спасти́ ду́ши на́ша.

Кондак, глас 3-й

Дѣ́ва днесь предстои́т в це́ркви, и с ли́ки святы́х невидимо за ны мо́лится Бо́гу: Ангели со архиере́и покланя́ются, апо́столи же со проро́ки ликовству́ют: нас бо ра́ди мо́лит Богоро́дица Превѣ́чнаго Бо́га.

Величание

Велича́ем Тя, Пресвята́я Дѣ́во, и чтим Покрóв Твой честны́й: Тя бо ви́де святы́й Андре́й на воздýсе, за ны Христу́ моля́щуюся.

5/18 октября

Святителей Московских: Петра, Алексия,
Ионы, Филиппа и Ермогена

Тропарь, глас 4-й

Первопрестольницы Россійстии, ѳстиннии хранітелие апостольских преданій, столпі непоколебїими, Православія наставницы, Пётре, Алексіе, Ионо, Филиппе и Ермогене, Владыку всех моли́те, мир вселенней дарова́ти и душам нашим ве́лию ми́лость.

Кондак, глас 3-й

Во святїтелех благоче́стно пожи́те, и лю́ди к богоразу́мию наставля́ете, и до́бре Бо́гу угоди́те; сего́ ра́ди от Него́ нетлѣнием и чудесы́ просла́витесь, я́ко ученицы́ Бо́жия благода́ти.

Величание

Велича́ем вас, святїтелие Христо́вы Пётре, Алексіе, Ионо, Филиппе и Ермогене, и чтим святу́ю па́мь вáшу: вы бо мо́лите за нас Христа́ Бо́га нáшего.

6/19 октября

Святого апостола Фомы

Тропарь, глас 2-й

Учени́к Христо́в быв, божественнаго собора́ апостолькаго соприча́стник, неvéрствием бо Христо́во Воскресѣние извести́в и Того́ пречістую страсть осяза́нием увѣрив, Фомо́ всехва́льне, и ны́не нам проси́ ми́ра и ве́лия ми́лости.

Кондак, глас 4-й

Премудрости благода́ти испо́лнен, Христо́в апостол и служи́тель ѳстинный в покая́нии вопія́ше Тебе́: Ты мой еси́ Бог же и Господь.

Величание

Велича́ем тя, апосто́ле Христо́в Фомо́, и чтим болѣ́зни и труды́ тво́я, ѳмиже труді́лся еси́ во благовѣ́стии Христо́ве.

10/23 октября

Преподобного Амвросия Оптинского

Тропарь, глас 5-й

Я́ко к целѣ́бному исто́чнику, притека́ем к тебе́, Амвро́сие о́тче наш, ты бо на путь спасѣ́ния нас ве́рно наставля́еши, моли́твами от бед и напа́стей охраня́еши, в телѣ́сных и душе́вных ско́рбех утеша́еши, па́че же смире́нию, терпе́нию и любви́ науча́еши, моли́

Человеколю́бца Христа́ и Засту́пницу усердную спасти́ся душам́ нашим.

Кондак, глас 2-й

Заве́т Пастыреначальника́ испо́лнив, ста́рчества благода́ть насле́довал еси́, боле́зную се́рдцем о всех, с ве́рою притека́ющих к тебе́, те́мже и мы, ча́да твоя́, с любóвию вопи́ем ти: о́тче святы́й Амвро́сие, моли́ Христа́ Бо́га, спасти́ся душам́ нашим.

Величание

Ублажа́ем тя, преподо́бне о́тче Амвро́сие, и чтим святу́ю па́мять твою́, наста́вниче мона́хов и собесе́дниче Ангелов.

18/31 октября

Святого апостола и евангелиста Луки

Тропарь, глас 5-й

Апо́стольских дея́ний сказа́теля, и Ева́нгелия Христо́ва све́тла списа́теля, Луку́ препе́таго, сла́вна су́ща Христо́ве Це́ркви, пе́снями свяще́нными свята́го апо́стола похва́лим, я́ко врача́ су́ща челове́ческих немо́щи, естества́ недуги́, и я́зи душ исцеля́юща, и моля́щася непреста́нно за ду́ши на́ша.

Кондак, глас 6-й

Истиннаго благоче́стия пропове́дника, и та́ин неизрече́нных ри́тора, звезду́ церко́вную, Луку́ божество́ннаго восхва́лим: Сло́во бо е́го избра́, с Па́влом, му́дром, язы́ков учи́теля, Еди́н Ве́дый серде́чная.

Величание

Велича́ем тя, апо́столе и евангели́сте Христо́в Луко́, и чтим боле́зни и труды́ твоя́, и́миже труды́лся еси́ во благове́стии Христо́ве.

8/21 ноября

Собор Архистратига Михаила

и прочих Небесных сил бесплотных

Тропарь, глас 4-й

Небе́сных во́инств Архистрати́зи, мо́лим вас при́сно мы недосто́йнии, да ва́шими моли́твами оградите́ нас кро́вом крил невеще́ственных ва́шей сла́вы, сохра́няюще ны, припа́дающих приле́жно и вопи́ющих: от бед изба́вите ны, я́ко чинонача́льницы Вы́шних сил.

Кондак, глас 2-й

Архистрати́зи Бо́жии, служи́телие Божественныя сла́вы, Ангелов нача́льницы и челове́ков наста́вницы, полёзное нам проси́те и ве́лию ми́лость, я́ко безплóтных Архистрати́зи.

Величание

Велича́ем вас, Арха́нгели и Ангели и вся во́инства, Херувими́и и Серафи́ми, сла́влящия Го́спода.

13/26 ноября

Святителя Иоанна Златоуста

Тропарь, глас 8-й.

Уст твоих, я́коже свѣтлость огня, возсия́вши благодать, вселѣнную просвети́; не сребролю́бия мірови сокрови́ща сниска́, высоту́ нам смиренномуд́рия показа́. Но твоими́ словесы́ наказу́я, о́тче Иоа́нне Златоу́сте, моли́ Сло́ва Христа́ Бо́га, спасти́ся душа́м на́шим.

Кондак, глас 6-й

От небѣс при́ял еси́ Божественную благодать, и твоими́ устна́ми вся учи́ши покланя́тися в Тро́ице Еди́ному Бо́гу, Иоа́нне Златоу́сте всеблаже́нне, преподо́бне, досто́йно хвали́м тя: еси́ бо наста́вник, я́ко Божественная явля́я.

Величание

Велича́ем тя, святите́лю о́тче Иоа́нне, и чтим святую́ па́мять твою́, ты бо мо́лиши за нас Христа́ Бо́га на́шего.

16/29 ноября

Святого апостола

и евангелиста Матфея

Тропарь, глас 3-й

Усе́рдно от мы́тницы ко зва́вшему Влады́це Христу́, явльшуся на земли челове́ком за бла́гость, Тому́ послѣдовав, апо́стол избра́нный яви́лся еси́, и благове́стник Ева́нгелия вселѣнней велегла́сен. Сего́ ра́ди чтим честну́ю па́мять твою́, Матфе́е богоглаго́ливе: моли́ милостиваго Бо́га, да грехо́в оставле́ние пода́ст душа́м на́шим.

Кондак, глас 4-й

Мыта́рства и́го отве́рг, правды́ и́гу припря́глся еси́ и яви́лся еси́ купе́ц всеизря́днейший, бога́тство прине́с, ю́же с высоты́ премудро́сть. Отону́дуже проповѣдал еси́ и́стины сло́во и уны́лых воздви́гл еси́ души, написа́в Час су́дный.

Величание

Велича́ем тя, апо́столе и евангели́сте Христо́в Матфе́е, и чтим бо́лезни и труды́ тво́я, и́миже труди́лся еси́ во благове́стии Христо́ве.

21 ноября/4 декабря

Введение во храм Пресвятой Богородицы

Тропарь, глас 4-й

Днесь благоволе́ния Бо́жия предображе́ние, и челове́ков спасе́ния пропове́дание, в хра́ме Бо́жии я́сно Де́ва явля́ется, и Христа́ всем предвозвеща́ет, Той и мы велегла́сно возопи́м: ра́дуйся, смотре́ния Зиждите́лева исполне́ние.

Кондак, глас 4-й

Пречи́стый храм Спа́сов, многоце́нный черто́г и Де́ва, свяще́нное сокрови́ще сла́вы Бо́жия, днесь вво́дится в дом Госпо́день, благода́ть совво́дящи, я́же в Ду́се Боже́ственном, Ю́же воспева́ют Ангели Бо́жии: Ся́ есть селение́ небе́сное.

Величание

Велича́ем Тя, Пресвята́я Де́во, Богоизбра́нная Отрокови́це, и чтим е́же в храм Госпо́день вхожде́ние Твое́.

Задостойник, глас 4-й

Яко одушевлённому Бо́жию киво́ту, да ника́коже ко́снется рука́ скве́рных, устне́ же ве́рных Богоро́дице немол́чно глас Ангела воспевающе, с ра́достью да вопию́т: и́стинно вы́шши всех еси́, Де́во Чи́стая.

23 ноября/6 декабря

Святого благоверного князя

Александра Невского

Тропарь, глас 4-й

Яко благоче́стиваго ко́рене пречестна́я о́трасль был еси́, блаже́нне Алекса́ндре, яви́ бо тя Христо́с, я́ко не́кое Боже́ственное сокрови́ще Росси́йстей земли́, но́ваго чудотво́рца, пресла́вна и Богоприя́тна. И днесь соше́дшися в па́мять твою́ ве́рою и любо́вию, во псалме́х и пе́ниих ра́дующеся сла́вим Го́спода, да́вшего тебе́ благода́ть исцеле́ний, Егóже моли́ спасти́ град сей, и стране́ на́шей Богоуто́дней бы́ти, и сыновом Росси́йским спасты́ся.

Кондак, глас 8-й

Яко звезду́ ты пресве́тлую почита́ем, от восто́ка возсия́вшую и на запа́д прише́дшую: всю бо страну́ сию́ чудесы́ и добро́тою

обогащаеши, и просвещаеши véрою чтúщия пáмять твою́, Алексáндре блаже́нне. Сего́ ра́ди днесь прáзднуем твоё успéние, лю́дие твои́ сýщии, моли́ спасти́ отéчество твоё, и вся притека́ющия к ра́це мо́щей твоих, и véрно вопи́ющия ти: ра́дуйся, гра́ду нáшему утвержде́ние.

Величание

Велича́ем тя, святы́й благове́рный кня́же Алексáндре, и чтим святы́ю пáмять твою́, ты бо мо́лиши за нас Христа́ Бо́га нáшего.

24 ноября/7 декабря

Святой великомученицы Екатерины

Тропарь, глас 4-й

Добродéтельми, я́ко лучáми со́лнечными, просвети́ла еси́ неvéрныя мудрецы́ и, я́коже пресвётлая луна́ ходя́щим в но́щи, неvéрия тьму отгна́ла еси́ и цари́цу увéрила еси́, вку́пе же и мучи́теля обли́чила еси́, богозвáнная неvéсто, блаже́нная Екатери́но. Желáнием востекла́ еси́ в Небе́сный Черто́г к прекра́сному Жениху́ Христу́ и от Него́ ца́рским венце́м венча́лася еси́. Ему́же со А́нгелы предстоя́щи, за ны моли́ся, творя́щая пречестну́ю пáмять твою́.

Кондак, глас 2-й

Лик честны́й божéственне, мучениколю́бцы, воздвигните ны́не, почита́юще всемúдрую Екатери́ну: сия́ бо в три́знице Христа́ проповéда и змия попра́, рíторов рáзумы укротíвши.

Величание

Велича́ем тя, страстотéрпице Христо́ва Екатери́но, и чтим честно́е страда́ние твоё, е́же за Христа́ претерпéла еси́.

30 ноября/13 декабря

Святого апостола Андрея Первозванного

Тропарь, глас 4-й

Я́ко апо́столов первозвáнный и верхо́внаго сýщий брат, Влады́ще всех, Андре́е, моли́ся, мир вселénней дарова́ти и душа́м нáшим véлию мýлость.

Кондак, глас 2-й

Мýжества тезоимени́таго богоглаго́льника и Це́ркве возсле́дователя верхо́внаго, Петро́ва сро́дника восхва́лим, занé я́коже дрéвле сему́, и ны́не нам воззва́: прииди́те, обрето́хом Желáемаго.

Величание

Велича́ем тя, апо́столе Христо́в Андре́е, и чтим болéзни и труды́ тво́я, и́миже труди́лся еси́ во благовéстии Христо́ве.

6/19 декабря
Святителя Николая,
архиепископа Мирликийского, чудотворца

Тропарь, глас 4-й

Правило веры и образ кротости, воздержания учителя яви тя стаду твоему, яже вещей истина. Сего ради стяжал еси смирением высокая, нищетою богатая: отче священноначальниче Николае, моли Христа Бога, спастися душам нашим.

Кондак, глас 3-й

В Мирех, святе, священнодействие показался еси, Христово бо, преподобне, Евангелие исполнив, положил еси душу твою о людех твоих, и спасл еси неповинныя от смерти. Сего ради освятился еси, яко великий тайник Божия благодати.

Величание

Величаем тя, святителю отче Николае, и чтим святую память твою, ты бо молиши за нас Христа Бога нашего.

12/25 декабря
Святителя Спиридона,
епископа Тримифунтского, чудотворца

Тропарь, глас 4-й

Собора Перваго показался еси поборник и чудотворец, богоносе Спиридоне, отче наш. Темже мертву ты во гробе возгласив, и змию в злато претворил еси, и внегда пети тебе святые молитвы Ангелы, сослужащие тебе, имел еси, священнейший. Слава Давшему тебе крепость, слава Венчавшему тя, слава Действующему тобою всем исцеления.

Кондак, глас 2-й

Любовию Христовою уязвився, священнейший, ум вперив зарю Духа, детельным видением твоим деяние обрел еси, богоприятне, жертвенник Божественный быв, прося всем Божественного сияния.

Величание

Величаем тя, святителю отче Спиридоне, и чтим святую память твою, ты бо молиши за нас Христа Бога нашего.

20 декабря/2 января

Святого праведного Иоанна Кронштадтского,
чудотворца

Тропарь, глас 1-й

Правосла́вныя вѣры поборо́ниче, земли́ Росси́йска печальниче, па́стыремъ пра́вило и о́бразе вѣрнымъ, покая́нныи и жи́зни во Христѣ́ проповѣ́дниче, Божѣ́ственныхъ Таи́н благоговѣ́йный служи́телю и дерзнове́нный о лю́дехъ моли́твенниче, о́тче пра́ведный Иоа́нне, цели́телю и предивный чудотво́рче гра́ду Кроншта́дту похвало́ и Це́ркве на́шей украше́ние, моли́ Всеблага́го Бо́га умири́ти мир и спасти́ ду́ши на́ша.

Кондак, глас 3-й

Днесъ па́стырь Кроншта́дтский предстои́т Престо́лу Бо́жию и усер́дно мо́лит о вѣрныхъ Христа́ Пасты́реначальника, обетова́ние да́вшего: «Сози́жду Це́рковь Мою́ и врата́ а́дова не одоле́ютъ ей».

Величание

Велича́ем тя, святы́й пра́ведный о́тче Иоа́нне, и чтимъ святу́ю па́мять твою́, ты бо мо́лиши за нас Христа́ Бо́га на́шего.

21 декабря/3 января

Святителя Петра, митрополита Московского

Тропарь, глас 4-й

Яже прѣ́жде безпло́дная, земле́, ны́не весели́ся: се бо Христосъ свети́льника в тебѣ́ показа́, я́ве сия́юща в ми́ре и исцелева́юща недуги́ и болѣ́зни на́ша. Сего́ ра́ди лику́й и весели́ся со дерзнове́нием, святите́ль бо е́сть Вы́шняго, сия́ соде́ловаяй.

Кондак, глас 2-й

Взбра́нному и дивному́ на́шей земли́ чудотво́рцу, днесъ любóвию к тебѣ́ притека́ем, песнь, богоно́се, плету́ще. Яко́ имѣ́я дерзнове́ние ко Го́споду, многообра́зныхъ изба́ви нас обстоя́ний, да зове́м ти: ра́дуйся, утвержде́ние гра́ду на́шему.

Величание

Велича́ем тя, святите́лю о́тче Пётре, и чтимъ святу́ю па́мять твою́, ты бо мо́лиши за нас Христа́ Бо́га на́шего.

25 декабря/7 января
Рождество Господа Бога
и Спаса нашего Иисуса Христа

Тропарь, глас 4-й

Рождество Твое, Христэ Бóже наш, возсия мiрови свет рáзума: в нем бо звездам служащий, звездою учахуся Тебé клáняться Сóлнцу правды, и Тебé véдети с высоты Востóка; Гóсподи, сла́ва Тебé.

Кондак, глас 3-й

Дéва днесь Пресúщественнаго ражда́ет, и земл́я вертéп Непристúпному прино́сит; Ангели с па́стырьми славослóвят, волсв́и же со звездою путешествуют; нас бо ра́ди роди́ся Отроча́ младо, Превéчный Бог.

Величание

Велича́ем Тя, Живода́вче Христé, нас ра́ди ны́не плóтию ро́ждшагося от безневéстных и Пречи́стых Дéвы Мари́и.

Задостойник, глас 1-й

Велича́й, душе́ моя́, честне́йшую и сла́внейшую го́рних во́инств Дéву Пречи́стую Богороди́цу.

Люби́ти úбо нам, я́ко безбе́дное стра́хом, удо́бее молча́ние, любóвию же, Дéво, пéсни ткáти спротяже́нно сло́женныя, неудобóно есть: но и, Ма́ти, си́лу, ели́ко есть произволе́ние, даждь.

1/14 января

Обрезание Господа нашего Иисуса Христа
и память святителя Василия Великого

Тропарь Обрезанию, глас 1-й

На престóле огнезра́чнем в вы́шних седя́й со Отцém Безнача́льным и Божéственным Твои́м Ду́хом, благоволи́л еси́ роди́тися на земл́и от Отрокови́цы неискусомужны́я Твоея́ Ма́тере, Иису́се: сего́ ра́ди и обре́зан был еси́ я́ко челове́к осмодне́вный. Сла́ва всеблагóму Твоéму совету́; сла́ва смотре́нию Твоéму, сла́ва снисхожде́нию Твоéму, Еди́не Человеколю́бче.

Тропарь святителю, глас 1-й

Во всю зéмлю изы́де вещáние твоé, я́ко приéмшую сло́во твоé, имже боголе́пно научи́л еси́, естество́ сущи́х уясни́л еси́, челове́ческия обы́чаи украси́л еси́, ца́рское свяще́ние, óтче преподо́бне: моли́ Христа́ Бóга спасти́ся душáм нáшим.

Кондак праздника, глас 3-й

Всех Господь обре́зание терпíт, и челове́ческая прегреше́ния я́ко

благ обре́зует, да́ет спасе́ние днесъ ми́ру: ра́дуется же в вы́шних и Созда́телей иерарх и светонóсный, божество́нный тайнник Христо́в Васи́лий.

Кондак святителю, глас 4-й

Яви́лся еси́ основа́ние непоколебимо́е Це́ркве, пода́я всем некра́домое господа́ство челове́ком, запечатле́я твои́ми велёньми, небо́явленне Васи́лие преподо́бне.

Задостойник

О Тебе́ ра́дуется, Благода́тная, всякая тварь, А́нгельский собо́р и челове́ческий род, освяще́нный хра́ме и ра́ю словесный, де́вственная похвало́, из Нея́же Бог воплоти́ся и младе́нец бысть, пре́жде век сый Бог наш: ложесна́ бо Твоя́ престо́л сотвори́ и чре́во Твое́ пространнее небе́с соде́ла. О Тебе́ ра́дуется, Благода́тная, всякая тварь, сла́ва Тебе́.

2/15 января, также 19 июля/1 августа

Преподобного Серафима Саровского

Тропарь, глас 4-й

От ю́ности Христа́ возлюбил еси́, блаже́нне, и Тому́ Еди́ному рабо́тати пла́менне вожде́лев, непреста́нною моли́твою и трудо́м в пусты́ни подви́злся еси́, умиле́нным же се́рдцем любви́ Христо́ву стяжа́в, избра́нник возлю́блен Бо́жия Ма́тере яви́лся еси́. Сего́ ра́ди вопи́ем ти: спаса́й нас моли́твами твои́ми, Серафи́ме, преподо́бне о́тче наш.

Кондак, глас 2-й

Ми́ра красото́у и я́же в нем тле́нная оста́вив, преподо́бне, в Сара́вскую оби́тель всели́лся еси́; и та́мо а́нгельски пожив, мно́гим путь был еси́ ко спасе́нию; сего́ ра́ди и Христо́с тебе́, о́тче Серафи́ме, просла́ви, и да́ром исцелёний и чуде́с обогати́. Те́мже вопи́ем ти: ра́дуйся, Серафи́ме, преподо́бне о́тче наш.

Величание

Ублажа́ем тя, преподо́бне о́тче Серафи́ме, и чтим святу́ю па́мять твою́, наста́вниче мона́хов и собесе́дниче А́нгелов.

6/19 января

Крещение Господне. Богоявление

Тропарь, глас 1-й

Во Иорда́не креща́ющуся Тебе́, Го́споди, Тро́ическое яви́ся поклонёние: Родите́лев бо глас свиде́тельствова́вше Тебе́, возлю́бленнаго Тя Сы́на имену́я, и Дух в ви́де голу́бине,

извѣствоваше словесѣ утверждѣние. Явлѣйся, Христѣ Бѣже, и мир просвещѣй, слава Тебѣ.

Кондак, глас 4-й

Явился еси днесь вселенней, и свет Твой, Господи, знаменася на нас, в разумѣ поющих Тя: пришел еси и явился еси Свет неприступный.

Величание

Величаем Тя, Живодавче Христѣ, нас ради ныне плотию крестившагося от Иоанна в водах Иорданских.

Задостойник, глас 2-й

Величай, душе моя, честнейшую горних воинств, Деву Пречистую Богородицу.

Недоумѣет всякъ языкъ благохвалити по достоянью, изумевает же умъ и премірный пѣти Тя, Богородице; обаче Благая сущи, веру приими, ибо любовь веси Божественную нашу: Ты бо христіан еси предстательница, Тя величаем.

Тропари на водоосвященіи, глас 8-й

Глас Господень на водахъ вопиетъ, глаголя: приидите, примите вси Духа премудрости, Духа разума, Духа страха Божия, являшагося Христа.

Днесь водъ освящается естество, и разделяется Иорданъ, и своихъ водъ возвращаетъ струи, Владыку зря крещаемъ.

Яко человекъ на реку пришелъ еси, Христѣ Царю, и рабское крещеніе прияти тщишися, Блаже, от Предтечеву руку, грех ради нашихъ, Человеколюбче.

Слава, и ныне: Ко гласу вопиющаго в пустыни, уготовайте путь Господень, пришелъ еси, Господи, зракъ рабий приимъ, крещенія прося, не ведый греха; видеша Тя воды и убояшася. Трепетенъ бысть Предтеча, и возопи глаголя: како просветитъ светильникъ Свѣта, како руку положитъ рабъ на Владыку? Освяти мене и воды, Спасе, вземляй міра грехъ.

14/27 января

Святой равноапостольной Нины

Тропарь, глас 4-й

Слова Божия служительнице, во апостольстей проповѣди первозванному Андрею и прочимъ апостоломъ подражавшая, просветительнице Иверии и Духа Святаго цевнице, святая равноапостольная Нино, моли Христа Бога, спастися душамъ нашимъ.

Кондак, глас 2-й

Приидите днесь вси, воспоймъ избранную от Христа

равноапóстольную проповéдницу Бóжия Слóва, мýдрую благовéстницу, люди Карталини привéдшу на путь животá и и́стины, Богомáтере ученицу, усérдную застúпницу и неусыпáющую хранительницу нáшу, Нину прехвáльную.

Величание

Велича́ем тя, святáя равноапóстольная Нино, всю страну́ Иверскую свéтом Евáнгелия просвети́вшую и ко Христу́ привéдшую.

24 января/6 февраля

Святой блаженной Ксении Петербургской

Тропарь, глас 1-й

Нищету́ Христо́ву возлюбíвши, безсмéртныя трапéзы ны́не наслажда́ешься, безúмием мнíмым безúмие мíра обличíвши, смире́нием крéстным си́лу Бóжию восприя́ла еси́. Сего́ ра́ди дар чудодéйственныя по́мощи стяжав́шая, Ксéние блаже́нная, моли́ Христа́ Бо́га изба́виться нам от всякаго зла покая́нием.

Кондак, глас 3-й

Днесь свéтло ликúет град святáго Петра́, я́ко мнóжество скорбя́щих обрета́ют утешéние, на тво́я моли́твы наде́ющиеся, Ксéние всеблаже́нная, ты бо еси́ граду́ сему́ похвала́ и утвержде́ние.

Величание

Велича́ем тя, святáя блаже́нная ма́ти Ксéние, и чтим святúю па́мять твою́, ты бо мо́лиши за нас Христа́ Бо́га нáшего.

25 января/7 февраля

Святителя Григория Богослова,

архиепископа Константинопольского

Тропарь святителю, глас 1-й

Па́стырская свирéль богослóвия твоего́ рíторов победи́ трубы, я́коже бо глубины Ду́ха изыска́вшу и доброты вещáния приложи́шася тебе́. Но моли́ Христа́ Бо́га, óтче Григо́рие, спасти́ся душáм нáшим.

Кондак, глас 3-й

Богослóвным язы́ком тво́им сплетéния рíторская разруши́вый, сла́вне, Правосла́вия оде́ждою, свýше исткáнною, Цéрковь украси́л еси́, ю́же и нося́щи, с нáми зовет тво́ими ча́ды: ра́дуйся, óтче, богослóвия уме крайнейший.

27 января/9 февраля
Перенесение мощей
святителя Иоанна Златоуста

Тропарь, глас 8-й

Уст твоих, якоже свѣтлость огня, возсиявши благодать, вселенную просвети; не сребролюбия мiрови сокровища сниска, высоту нам смиренномудрия показа, но твоими словесы наказуя, отче Иоанне Златоусте, моли Слова Христа Бога спастися душам нашим.

Кондак, глас 1-й

Возвеселися таинственно честная Церковь возвращением честных твоих мощей и, сия сокрывши, яко злато многоценное, поющим тя неоскудно подавает молитвами твоими исцелений благодать, Иоанне Златоусте.

30 января/12 февраля
Трех святителей: Василия Великого,
Григория Богослова и Иоанна Златоустого

Тропарь, глас 4-й

Яко апостолов единомравнии и вселенныя учителие, Владыку всех молитесь, мир вселенней даровати и душам нашим велию милость.

Кондак, глас 2-й

Священныя и боговещанныя проповедники, верх учителей, Господи, приял еси в наслаждение благих Твоих и упокоение; труды бо оных и смерть приял еси паче всякаго всеплодия, Единое прославляяй святых Твоих.

Величание

Величаем вас, святителие Василие, Григорие и Иоанне, и чтим святую память вашу: вы бо молитесь за нас Христа Бога нашего.

2/15 февраля
Сретение Господа нашего Иисуса Христа

Тропарь, глас 1-й

Радуйся, Благодатная Богородице Дево, из Тебе бо возсия Солнце правды, Христос Бог наш, просвещаяй сущия во тме. Веселися и ты, старче праведный, приемый во объятия Свободителя душ наших, дарующаго нам воскресение.

Кондак, глас 1-й

Утробу Девичу освятивый рождеством Твоим, и руке Симеоне

благословѣвый, ꙗкоже подобаше, предварѣв, и ныне спасл еси нас, Христѣ Бѣже, но умирѣ во бранѣхъ житѣльство и укрѣпѣ люді, ихже возлюбил еси, Едине Человеколѣбче.

Величание

Величаѣм Тя, Живодавче Христѣ, и чтим Пречѣстную Матѣрь Твою, Еюже по закону ныне принѣслся еси в храм Господень.

Задостойник, глас 3-й

Богородице Дѣво, упованіе христианом, покрѣй, соблюди и спаси на Тя уповающих.

В законѣ сѣни и писаний образъ видимъ вернии, всякъ мужескій пол, ложесна разверзая, святъ Богу. Темъ перворожденное Слово Отца Безначальна, Сына первородящая Материю неискусомужно, величаѣм.

12/25 февраля, также 20 мая / 2 июня

Святителя Алексія, митрополита Московскаго

Тропарь, глас 8-й

Яко апостоломъ сопредстольна, и врача предобра, и служителя благоприятна, къ раце твоей честней притекающе, святителю Алексіе, богомудре чудотворче, сошедшеся любовью въ память твою, светло празднуемъ, въ пѣсняхъ и пѣніихъ радующеся и Христа славяще, такуюю благодать тебѣ даровавшаго исцелений и граду твоему великое утверждение.

Кондак, глас 8-й

Божественнаго и пречестнаго святителя Христова, новаго чудотворца Алексія, верно вси поюще людие, любовь да ублажимъ, яко пастыря великаго, служителя же и учителя премудра земли Россійстей. Днесъ въ память его притекъше, радостно возопіемъ пѣснь богоносному: яко имея дерзновение къ Богу, многообразныхъ насъ избави обстояний, да зовѣмъ ти: радуйся, утверждение граду нашему.

Величание

Величаѣмъ тя, святителю отче Алексіе, и чтимъ святую память твою, ты бо молиши за насъ Христа Бога нашего.

25 марта/7 апреля

Благовѣщеніе Пресвятой Богородицы

Тропарь, глас 4-й

Днесъ спасения нашего главѣзна, и еже отъ вѣка таинства явленіе: Сынъ Божій, Сынъ Дѣвы бываетъ, и Гавриїлъ благодать благовѣстуетъ.

Тѣмже и мы с ним Богородице возопи́м: ра́дуйся, Благодáтная, Господь с Тобóю.

Кондак, глас 8-й

Взбрáнной Воевóде победíteльная, я́ко избавльш́йся от злых, благодарственна́я воспису́ем Ти раби́ Твой, Богородице; но я́ко иму́щая держа́ву непобедíмую, от всяких нас бед свободи́, да зове́м Ти: ра́дуйся, Невéсто Неневéстная.

Величание

Арха́нгельский глас вопи́ем Ти, Чи́стая: ра́дуйся, Благодáтная, Господь с Тобóю.

Задостойник, глас 4-й

Благовествуй, землѣ, ра́дость ве́лию, хвали́те, небеса́, Бо́жию сла́ву.

Я́ко одушевлѣ́нному Бо́жию Киво́ту, да ника́коже ко́снется рука́ сквѣ́рных. Устне́ же ве́рных Богородице немóлно, глас Ангела воспева́юще, с ра́достью да вопи́ют: ра́дуйся, Благодáтная, Господь с Тобóю.

Задостойник, глас 8-й

Чужде ма́терем дѣвство и стра́нно дѣвам деторожде́ние: на Тебе́, Богородице, обо́я устро́ишася. Тем Тя вся племена́ земна́я непреста́нно велича́ем.

23 апреля/6 мая

Святого великомученика
и Победоносца Георгия

Тропарь, глас 4-й

Я́ко плѣнных свободíteль и ни́щих зашчíteтель, немощствую́щих врач, Победоно́сче великомучениче Гео́ргие, моли́ Христа́ Бо́га, спасти́ся душа́м на́шим.

Кондак, глас 4-й

Воздѣлан от Бо́га показáлся еси́ благоче́стия дѣлатель честне́йший, добродѣтелей рукоя́ти собра́в себе́, се́яв бо в слеза́х, веселием жне́ши, страда́льчествовав же кро́вию, Христа́ при́ял еси́, и моли́твами, свя́те, твои́ми всем пода́еши прегреше́ний прощѣ́ние.

Величание

Велича́ем тя, страсотѣ́рпче святы́й Гео́ргие, и чтим честна́я страда́ния тво́я, я́же за Христа́ претерпе́л еси́.

25 апреля/8 мая

Святого апостола и евангелиста Марка

Тропарь, глас 3-й

У верховнаго Петра научився, апостол Христов был еси, и яко солнце странам возсиял еси, Александриом удобрение быв, блаженне. Тобою Египет от прелести свободися, евангельским твоим учением просвещ вся, яко свет, столп церковный. Сего ради твою память чтуще, светло празднуем, Марко богогласе: моли тобою благовестимаго Бога, да согрешений оставление подаст душам нашим.

Кондак, глас 2-й

С высоты приим благодать Духа, риторская плетения разрушил еси, апостоле, и языки вся уловив, Марко всеславне, твоему Владыце привел еси, Божественное проповедав Евангелие.

Величание

Величаем тя, апостоле Христов и евангелисте Марко, и чтим болезни и труды твои, имиже трудился еси во благовестии Христове.

9/22 мая

Перенесение мощей святителя
и чудотворца Николая

Тропарь, глас 4-й

Приспел день светлаго торжества, град Барский радуется, и с ним вселенная вся ликоваствует песнями и пеньми духовными: днесь бо священное торжество, в пренесение честных и многоцелбных мощей святителя и чудотворца Николая, якоже солнце незаходимое возсия, светозарными лучами, разгоняя тьму искушений же и бед от вопиющих верно: спасай нас яко предстатель наш, великий Николае.

Кондак, глас 3-й

Взыде, яко звезда, от востока до запада, твоя мощи, святителю Николае, море же освятится шествием твоим, и град Барский приемля тобою благодать: нас бо деля явился еси, чудотворец изящный, предивный и милостивый.

Величание

Величаем тя, святителю отче Николае, и чтим святыю память твою, ты бо молиши за нас Христа Бога нашего.

11/24 мая

Святых равноапостольных

Мефодия и Кирилла, учителей Словенских

Тропарь, глас 4-й

Яко апостолом единоправнии и словенских стран учителие, Кирилле и Мефодие богомудрии, Владыку всех молите, вся языки словенския утвердiti в Православии и единомыслии, умирити мир, и спасти души наша.

Кондак, глас 3-й

Священную двоицу просветителей наших почтим, Божественных писаний предложением источник богопознания нам источивших, из негоже даже до днесь неоскудно почерпающе, ублажаем вас, Кирилле и Мефодие, Престолу Вышняго предстоящих и тепле молящихся о душах наших.

Величание

Величаем вас, святии равноапостольнии Мефодие и Кирилле, вся Словенския страны учеными своими просветившия и ко Христу приведшия.

21 мая/3 июня

Святых равноапостольных

Константина и Елены

Тропарь, глас 8-й

Креста Твоего образ на небеси виде, и якоже Павел звание не от человек прием, во царех апостол Твой, Господи, царствующий град в руке Твоей положи, егоже спасай всегда в мире молитвами Богородицы, Едины Человеколюбче.

Кондак, глас 3-й

Константин днесь с матерью Еленою Крест являют, всечестное Древо, всех убо иудеов посрамление суще, оружие же на противныя верных: нас бо ради явися знамение велие и во бранех грозное.

Величание

Величаем вас, святии благовернии и равноапостольнии царице Константины и Елены, и чтим святую память вашу, вы бо святым Крестом всю вселенную просветили есте.

11/24 июня

Святых апостолов Варфоломея и Варнавы

Тропарь, глас 3-й

Апóстоли святіи, мо́лите мѣлостиваго Бóга, да прегрешѣний оставлѣние подаст душáм нáшим.

Кондак апостолу Варфоломею, глас 4-й

Явѣлся есѣ великое сóлнце вселѣнней, учѣний сѣяньми и чудесъ страшныхъ световодѣ почитающѣя тя, Варфоломѣе, Господень апóстоле.

Кондак апостолу Варнаве, глас 3-й

Господень был есѣ всеѣстинный служѣтель, апóстолов же явѣлся есѣ седмидесятихъ первый, озарѣл есѣ и с Пáвлом проповѣдь твою, всемъ возвѣщáя Христá Спáса: сего́ рáди песнопѣнии Божѣственную пáмять твою, Варнáво, совершáем.

Величание

Величáем вас, апóстоли святіи Варфоломѣе и Варнáво, и чтимъ болѣзни и труды́ вáша, ѣмиже трудѣлися естѣ во благовѣстїи Христóве.

15/28 июня

Святителя Ионы, митрополита Московского

и всея Руси, чудотворца

Тропарь, глас 4-й

От юности твоея́ весь сам себѣ Господевѣ возложѣв, в молѣтвахъ и трудѣхъ, и в постѣхъ образъ бывъ добродѣтели, отонудуже видѣв Богъ твоѣ благоѣ произволѣние, архѣерѣя ты и пáстыря Цѣркве Своейъ устрояет. Тѣмже и по престáвлении честное́ тѣло твоѣ цѣло и нетлѣнно соблюдѣся, Ио́но святѣтелю: моли́ Христá Бóга, да спасѣтъ дýши нáша.

Кондак, глас 8-й

Яко от младѣнства Господевѣ поработѣв себѣ, мýдре, постомъ и бдѣниемъ тѣло твоѣ удручáя, темъ же сосúдъ чистъ и домъ Дýху Пресвятóму явѣлся есѣ: сего́ рáди и Цѣркви Своейъ тебѣ архѣерѣя и пáстыря устрояет, ю́же дóбре упасъ, ко Господу отхóдиши, Егóже возлюбилъ есѣ. Темъ мо́лимъ тя: помина́й насъ, вѣрою чтýщихъ святýю пáмять твою́, да вси зовѣмъ ти: радуйся, óтче Ио́но, святѣтелю всечестный.

Величание

Величáемъ тя, святѣтелю óтче Ио́но, и чтимъ святýю пáмять твою́,

ты бо молиши за нас Христа Бóга нáшего.

24 июня/7 июля

Рождество святого Пророка, Предтечи
и Крестителя Господня Иоанна

Тропарь, глас 4-й

Прорóче и Предтéче пришéствия Христо́ва, досто́йно восхвали́ти
тя недоуме́ем мы, любóвию чту́щих тя: непло́дство бо ро́ждшия и
о́тчее безгла́сие разреши́ся сла́вным и честны́м твои́м рождество́м, и
воплоще́ние Сы́на Бо́жия ми́рови проповéдуется.

Кондак, глас 3-й

Пре́жде непло́ды днесь Христо́ва Предтéчу ражда́ет, и той есть
исполне́ние всякаго прорóчества: Егóже бо проро́цы проповéдаша,
на Сего́ во Иорда́не руку́ положи́в, яви́ся Бо́жия Сло́ва проро́к,
проповéдник, вку́пе и Предтéча.

Величание

Велича́ем тя, Предтéче Спа́сов Иоáнне, и чтим е́же от непло́дове
пресла́вное рождество́ твоё.

29 июня/12 июля

Святых первоверховных апостолов
Петра и Павла

Тропарь, глас 4-й

Апо́столов первопресто́льницы, и вселénныя учи́телие, Влады́ку
всех моли́те, мир вселénней дарова́ти, и душáм нáшим véлию
ми́лость.

Кондак, глас 2-й

Твёрдыя и боговещáнныя проповéдатели, верх апо́столов Твои́х,
Го́споди, прия́л еси́ в наслажде́ние благи́х Твои́х и поко́й: болéзни
бо óнех и смерть прия́л еси́, па́че всякаго всепло́дия, Еди́не свéдый
сердéчная.

Величание

Велича́ем вас, апо́столи Христо́вы Пётре и Па́вле, весь мир
учёньми свои́ми просвети́вшия, и вся концы́ ко Христу́ привéдшия.

11/24 июля

Святой равноапостольной княгини
Российской Ольги

Тропарь, глас 1-й

Крилами богоразумия вперивши твой ум, возлетела еси превыше
видимыя твари; взыскавши Бога и Творца всяческих, и Того
обретши, пакирождение крещением прияла еси; древа животного
наслаждающиеся, нетленна во веки пребываеши, Ольго
приснославная.

Кондак, глас 4-й

Воспоём днесь Благодетеля всех Бога, прославльшаго в России
Ольгу богомудрую, да молитвами ея подаст душам нашим грехов
оставление.

Величание

Величаем ты, святая равноапостольная княгине Ольго, яко зарю
утреннюю в земли нашей возсиявшую и свет веры Православных
народу своему предвозвестившую.

15/28 июля

Святого равноапостольного князя Владимира

Тропарь, глас 4-й

Уподобился еси купцу, ищущему добраго бисера,
славнoderжавный Владимире, на высоте стола сядя матери градов
богоспасаемаго Кіева; испытуй же и посылая к Царскому граду
уведети Православную веру, обрел еси безценный бисер, Христа,
избравшаго ты яко втораго Павла, и оттрясшаго слепоту во святей
купели душевную, вкупе и телесную. Темже празднуем твоё
uspение, людие твои суще. Моли спастися державы твоя
Россійския начальником и множеству владомых.

Кондак, глас 8-й

Подобствовав великому апостолу Павлу, в седицах, всеславне
Владимире, вся, яко младенческая мудрования, яже о идолах
тщания оставль, яко муж совершенный, украсился еси
Божественнаго Крещения багрянницею; и ныне Спасу Христу в
веселии предстои, моли спастися державы Россійския начальником
и множеству владомых.

Величание

Величаем ты, святой равноапостольный княже Владимире, и чтим
святую память твою, идола поправшаго и всю Россійскую землю
святым Крещением просветившаго.

20 июля/2 августа

Святого славного пророка Илии

Тропарь, глас 4-й

Во плóти áнгел, прорóков основáние, вторýй предтéча пришéствия Христо́ва, Илия́ сла́вный, свýше послáвый Елисéеви благодáть, недýги отгоня́ти, и прокаже́нныя очища́ти. Тёмже и почита́ющим его́ то́чит исцелéния.

Кондак, глас 2-й

Прорóче и провídче вели́ких дел Бо́га нашего, Или́е великоименíте, вещáнием твоим устáвивый водотóчныя о́блаки, моли́ о нас Еди́наго Человеколю́бца.

Величание

Велича́ем тя, святы́й сла́вный прорóче Бо́жий Или́е, и чтим, е́же на Небеса́ на колесни́це о́гненной пресла́вное восхожде́ние твоё.

24 июля/6 августа

Святых мучеников благоверных князей Бориса

и Глеба, во святом крещении Романа и Давида

Тропарь, глас 2-й

Правди́вая страсотéрпца и й́стинная Ева́нгелия Христо́ва послу́шателя, целомúдренный Рома́не с незло́бивым Дави́дом, не сопроти́в ста́ста врагу́ сýщу бра́ту, убивáющему телеса́ ва́ша, душáм же косну́тися не могу́щу. Да пла́чется у́бо злый властолю́бец, вы же, ра́дующеся с ли́ки А́нгельскими, предстоя́ще Святе́й Тро́ице, моли́теся о держа́ве срóдников ва́ших, богоуто́дней бы́ти, и сыновóм Росси́йским спаст́ися.

Кондак, глас 3-й

Возсия́ днесь пресла́вная па́мять ва́ша, благоро́днии страсотéрпцы Христо́вы Рома́не и Дави́де, созывáющи нас к похвалéнию Христа́ Бо́га нашего. Тем, притека́юще к ра́це моще́й ва́ших, исцелéния дар прие́млем моли́твами ва́шими, святы́и: вы бо Божéственнии врачéве естé.

1/14 августа

Происхождение древ Честного
и Животворящего Креста. Всеми́лостивого Спаса

Тропарь и кондак Кресту см. 14/27 сентября

Тропарь Всеми́лостивому Спасу, глас 8-й

С вы́шних призира́я, убо́гия прие́мля, посети́ нас озлобле́нными грехи́, Влады́ко Всеми́лостиве, моли́твами Богоро́дицы, да́руй душам на́шим ве́лию ми́лость.

Кондак, глас 4-й

Вся́кия скве́рны, Всеми́лостивый Спа́се, аз бых де́латель, и во отча́яния ров впа́дся, но стению́ от се́рдца и вопию́ к Тебе́, Сло́ве: ускори́, Ще́дрый, и потщи́ся на по́мощь на́шу, я́ко Ми́лостив.

6/19 августа

Преображение Го́спода на́шего Иису́са Христа́

Тропарь, глас 1-й

Преобрази́лся еси́ на горе́, Христé Бо́же, показавый ученико́м Твои́м сла́ву Твою́, я́коже можа́ху, да возсия́ет и нам грéшным свет Твой присносу́щный, моли́твами Богоро́дицы, Светода́вче, сла́ва Тебе́.

Кондак, глас 1-й

На горе́ преобрази́лся еси́, и я́коже вмеща́ху ученицы́ Твои́, сла́ву Твою́, Христé Бо́же, видеша: да егда́ Тя у́зрят распина́ема, страда́ние у́бо уразуме́ют во́льное, ми́рови же пропове́дят, я́ко Ты еси́ вои́стинну Отчее сия́ние.

Величание

Велича́ем Тя, Живода́вче Христé, и почита́ем Пречи́стыя Плоти́ Твоея́ пресла́вное преображе́ние.

Задостойник, глас 4-й

Велича́й, душе́ моя́, на Фаво́ре преобрази́вшагося Го́спода.

Рождество́ Твое́ нетле́нно яви́ся, Бог из боку́ Твое́ю про́йде, я́ко Плотно́сец яви́йся на земли́, и с челове́ки поживе́. Тя, Богоро́дице, тем вси велича́ем.

15/28 августа

Успение Пресвятой Богородицы

Тропарь, глас 1-й

В рождестве́ де́вство сохрани́ла еси́, во успении́ ми́ра не оста́вила

еси́, Богоро́дице, преста́вилася еси́ к животу́, Ма́ти су́щи Живота́, и моли́твами Твои́ми избавля́еши от сме́рти ду́ши на́ша.

Кондак, глас 2-й

В моли́твах неусыпа́ющую Богоро́дицу и в предста́тельствах непрело́жное упова́ние, гроб и умерщвле́ние не удержа́ста: я́коже бо Живота́ Ма́терь, к животу́ преста́ви во утробу́ Всели́выйся присноде́вственную.

Величание

Велича́ем Тя, Пренепоро́чная Ма́ти Христа́ Бо́га на́шего, и всесла́вное сла́вим Успе́ние Твое́.

Задостойник, глас 1-й

Ангели́ Успе́ние Пречи́стыя ви́девши, удиви́шася, ка́ко Де́ва восходи́т от земли́ на не́бо.

Побежда́ются естества́ уста́вы в Тебе́, Де́во чи́стая, де́вствует бо рождество́, и Животъ предобруча́ет смерть; по рождестве́ Де́ва, и по сме́рти жива́, и спаса́еши при́сно, Богоро́дице, насле́дие Твое́.

16/29 августа

Нерукотворенного образа Господа
нашего Иисуса Христа

Тропарь, глас 2-й

Пречи́стому Твое́му о́бразу покланя́емся, Благои́й, прося́ще прощ́ения прегреш́ений на́ших, Христэ́ Бо́же: во́лею бо благоволи́л еси́ плоти́ю взы́ти на Крест, да изба́виши я́же созда́л еси́ от рабо́ты вра́жия. Тем благодарственнó вопи́ем Ти: ра́дости испо́лнил еси́ вся, Спа́се наш, прише́дый спасти́ мир.

Кондак, глас 2-й

Неизрече́ннаго и Бож́ественнаго Твоего́ к челове́ком смотре́ния, неописа́нное Сло́во Отче́е, и о́браз непи́санный и богопи́санный победи́телен ве́дуще нелóжнаго Твоего́ воплоще́ния, почита́ем того́ лобыза́юще.

Величание

Велича́ем Тя, Живода́вче Христэ́, и почита́ем вси Пречи́стаго Ли́ка Твоего́ пресла́вное изображе́ние.

29 августа/11 сентября

Усекновение главы Предтечи
и Крестителя Иоанна

Тропарь, глас 2-й

Па́мьять пра́веднаго с похва́лами, тебѣ же довлеѣтъ свидѣтельство Господне, Предтече: показáл бо ся еси́ вои́стинну и проро́ков честне́йший, я́ко и в стру́ях крестити сподо́бился еси́ Проповѣданнаго. Тѣмже за и́стину пострада́в раду́ясь, благовести́л еси́ и су́щим во а́де Бо́га я́вляшагося плото́ю, взѣмлющаго грех ми́ра и подаю́щаго нам ве́лию ми́лость.

Кондак, глас 5-й

Предтечево сла́вное усекнове́ние, смотре́ние бысть не́кое Божѣственное: да и су́щим во а́де Спа́сово проповѣсть прише́ствие. Да рыда́ет убо Ироді́я, беззако́нное убійство испроси́вши: не зако́н бо Бо́жий, ни живы́й век возлюби́, но притво́рный, привре́менный.

Величание

Велича́ем тя, Крестите́лю Спа́сов Иоáнне, и почита́ем вси честны́я тво́ея главы́ усекнове́ние.

30 августа/12 сентября

Обретение мощей святого благоверного
князя Даниила Московского

Тропарь, глас 3-й

Яви́лся еси́ в странѣ на́шей, я́ко звезда́ пресвѣтлая, благове́рный кня́же Дани́иле, луча́ми свѣта тво́его озаря́я град твой и оби́тель твою́, лю́дем правосла́вным поборо́ник еси́, плѣнным свободо́итель и ни́щим защи́титель, моли́ Христа́ Бо́га держа́ве Росси́йстей дарова́ти мир и спасти́ ду́ши на́ша.

Кондак, глас 6-й

Е́же по о́бразу соблю́д непрело́жно и я́же в ми́ре тле́нная оста́вив, со Ангельскими́ ли́ки предстои́ши Христу́, преподо́бне кня́же Дани́иле, ника́коже забыва́я чад твои́х, но ми́лостивно посеща́я и глаго́ля им: аз есмь с ва́ми, и никто́же на вы.

Величание

Ублажа́ем тя, благове́рный кня́же Дани́иле, и чтим святу́ю па́мьять твою́, ты бо мо́лиши за нас Христа́ Бо́га на́шего.